деви: аще владычествующии им живи суть, — дабы более здравие и счастие их простилось (так!) і на земли, аще ли мертви суть, — дабы за наше усердие более отпущение грехов им получити. И вси удивищася княжеску ответу, ласкающии ему посрамишася. И по сем повеле князь той перстень отнести до шпитален тоя благородныя отроковицы и вручити ей. Она же узре той обручальный перстень и слыша, како из моря рыбою вынесен бе, и наедине многия излия слезы, и разуме своего обручника мертва быти, и отложи все свое чаяние о животе его, паче же возсылая благодарение богу, что благоволил явити еи о нем таковою вещию, и к тому уже со усоцшими поминати его всегда повеле, а перстень той скры у себе и со червленым обвитием, мысляще в себе по своем животе его продать на память своего спасения, а о обрученике своем всю свою надежду отложи к тому видети, но более положи попечение ко строению спиталей и безмерною милостию цвете, не безделно бо повсюду слава об ней бяше.

Благородный же тот Бруна, егда от великих воли морских спасение получи, велиими ветры принесен бысть к брегу морскому в далных и незнаемых пустых краех. И егда от великаго волнения и биения морскаго на

брег вынесен бе и прииле в себе, оглядаще место отовсюду пустотою объято, и не увиде пред собою благородной своей обручницы, нача велми горко плакати; и жалостно рыдая, безчастие свое вменяя быти, и в великом размышлении беяще, и не ведяще что сотворити, во многом сетовании возведе очи свои и виде по морю корабль грядущ и рад бысть нача велми звати. Корабленицы ж услышаша глас вопиющаго и прислаша к нему малый кораблец и взяща его к себе. И егда же узреща его доброобразна и благородством сияюща, велми удивишася и желающе уведети отечество его. Он же ничесо же им отвещеваще и проста человека быти себе им являще. Они же, видевше крастту его, паче же богом надаренну в нем премудрость, турскому салтану преведоща его в дары; он же с великою любовию у них его прият; и благородный же юноша велию услугу ему творяше. Салтаново же величество, зря его отовсюду мудростию кипети и благородством и добродством (так!) сияюща, зело возлюби его, паче же за верное служение ему, и пристави его над всем домом своим и царством строителя и толико его любляще, яко своего сына вменяще быти. И благородный же той юноша велию храбрость и службу ему показа и велми процветаше во своей славе и в богатстве, а о обручнице своей Мелеонии такоже отложи чаяние видети ю, мысляше еи возвратитися ко своему отцу, точию даде обет богу не искати иного супружества себе. По неколицех же днех прииде ему желание видети своя родителя и прииде до салтанова величества и нача его молити мудрыми глаголы сице: о, славный и всего света царю, кто тако почтен от вышняго честию и множеством царств ко обдержанию, яко твое 264 об. величество. Милостию и правдою и родством никто же тако сияет на земли, яко твое высокопрестолство, кою милость и на мне недостойнем излияти благоволил еси, ни за выслугу кою мою к тебе, но являще ко всем недостойным мною множеством своего милосердия, -- никогда мне в намяти моей

л. 263 об.

л. 263

л. 264